

逸兴随想



崔杏花(湖南·涟源)

卜算子·我对蜡梅说
(鄢陵“鉴梅止戈”采风同首句)
我带雪花来,为赴卿之约。浅浅
深深一抹寒,香透玲珑萼。 卿向
朔风开,许我春之诺。看尽江南万种
花,又被卿迷着。

木兰花

嫩寒收尽晴光软,杨柳梢头春尚浅。
河堤小立听新莺,记取瞬间青一剪。
近花意绪风吹散,字里痴心从未远。
流年况味易成诗,不至倾城全不管。

周燕婷(广东·广州)

司空山早行

破晓蛩声寂,明湖日色微。
悠然云作伴,一路看山归。

过衡阳岳屏公园瞻抗战阵亡烈士

纪念碑

年深鸿迹渺,月淡桂香退。
多少悲凉意,秋风恐未知。

重游南京莫愁湖

旧时眉月旧时风,十一年来梦影中。
寄语愁波莫轻起,与君依约似初逢。

玉湖

玉镜初开试晓妆,春风画出柳眉长。
罗敷西子依稀似,知是谁家窈窕娘。

王恒鼎(福建·福鼎)

栖林寺午间小憩

心药心香付冷灰,江湖鸥鸟莫相猜。
一枝无限栖迟意,烟雨千峰入梦来。

金盘寺听戒灵法师吹箫

白鸟时时度碧霄,山门长对去来潮。
道心如水还如月,分付清凉与洞箫。

立秋

风动凉生玉宇开，四时代谢有轮回。
乾坤清气须珍重，快挽明河洗眼来。

回黄仁口占

一岁黄仁几度过，童年记忆剩无多。
外婆没了树还在，见树如同见外婆。

戴林英(浙江·苍南)

螃蟹

一身铁甲不需刀，横荡江湖任浪高。
便是成囚将佐酒，从容换上大红袍。

枯柳

盈盈一握尚余酥，软玉拖烟倚翠湖。
何故重逢春薄幸，美人迟暮暮云孤。

杨新跃(湖南·湘乡)

桃花六首(录三)

老朽相逢对玉肌，花颜难染鬓边丝。
十年华盖已无梦，不向人前折此枝。

草长江南一霎新，看花天气净无尘。
对山唯我头犹白，何故春风不惜人？

云霞万树掩嶙峋，洞口难寻寂寞春。
也拟浮生逃一日，沿溪来作扫花人。

余廷林(贵州·毕节)

雨夜愁思

幕落寒窗似水帘，潇潇寒意扰人眠。
诗书漫卷眸凝泪，一笑一顰忆十年。

惊梦

怅惘长空雁字南，夕阳一点怨时迁。
惊梦哀声传远水，渡海打工人未还。

蔡圣波(浙江·瑞安)

次韵奉和杜甫《秋兴》八首(录二)

道山亭畔石城头，两地游踪一样秋。
匹马短衣成旧梦，繁弦急管总新愁。
凄凉壮志回风鶴，放浪江湖逐水鸥。
回首十年花月恨，谈兵杜牧老扬州。

一飘归去且逶迤，云水烟深泽有陂。
风老梧桐黄压圃，霜寒橘柚绿低枝。
隆山塔下皆秋色，玉海楼中景自移。
自是有家归便得，踟蹰何事苦头垂。

黄红梅(湖北·随县)

醉梅花·倒春寒吟梅

粉蝶飞来点绛唇，暗香疏影惹消魂。
风中情忘安公子，阶下词吟虞美人。
怜玉骨，惜黄昏，迟迟不嫁小阳春。
为谁消得红颜瘦？无惧明朝碾作尘。

西江月·打工行

抱抱无言老爸，亲亲喃语阿妈。
萌萌是个好娃娃，宝贝女儿听话。
屈指团圆春节，打工奔走天涯。
依依不舍又离家，梦里几多牵挂。

文金涛(广东·中山)

瓜，雏鸡觅食啄篱笆。如伞老槐
鸣翠鸟，翁媪摇扇品新茶，娇孙光腚
膝边爬。

茅屋秋风

茅屋秋风世代愁，如今广厦竟高楼。
可怜寒士囊羞涩，老杜诗歌几度讴。

梨花韵

野陌荒村外，疏疏未可知。
经风千树雪，带雨一枝奇。
韵出边鸾笔，香侵客子衣。
东栏春酿酒，浓淡总相宜。

姚江(浙江·开化)

梨花

篱落疏疏自一围，无心三月斗芳菲。
东栏夜放千枝雪，更觉寒香跌入衣。

娄季初(贵州·贵阳)

咏风

无形无影迹，过岭复穿堂。
静水生波浪，清音起翠篁。
秋深摧叶落，春暖带花香。
万物有灵性，唯君多猖狂。

杨小源(辽宁·沈阳)

迎新

枝头叶落显凄凉，疏影南窗溢淡香。
旷野消融千里雪，桃红柳绿又春光。

一剪梅·母亲故里本溪行

梦绕魂牵回本溪，母梦无期，我
梦依稀。群山叠翠水清漪。处处新奇，
步步迟疑。小市逡巡大堡痴，铁
刹崔巍，水洞逶迤。松风云影总随移，
芳草萋萋，杨柳依依。

庭院晨步

鸟声清脆浥冬晨，花木经霜色尚新。
曦照朦胧花影动，风中早有护花人。

程启瑞(江苏·苏州)

鹧鸪天·春雨

谁用邮箱传软件，赫然粘贴大辽
天。春风复制江南景，细雨平铺塞北
田。基地老，路途宽。强军新组
再争先。残花当落直须落，绿水青山
渤海湾。

浣溪沙·夏日农家

绿叶青枝托艳花，凉棚高架吊丝



嵇发根(浙江·湖州)

菜花泾边步吟

昨夜梦金銀，花香袭早晨。
篱头新绿旧，心上旧人新。
脉脉两情合，盈盈一水邻。
前年临罨画，相别意如春。

周贤邦(四川·泸县)

孤 鸾

村姑昔日成君妇，不恨连年茹苦寒。
矮屋藏身门户窄，高山逐日地天宽。
扶犁过陇风千丈，背篓登山路百盘。
子夜山妻愁伴月，床头枕上梦孤鸾。

刘 欣(北京)

浣溪沙·独行

幽径独行野鸟鸣，登高坐享晓风清。浮云几片映山明。
自古人生多磨砺，由来岁月少柔情。身无所累总天晴。

菩萨蛮·咏春

迷离草色风梳柳，彩鹀映水偕云走。三月又春归，庭前乳燕飞。
江南梅已老，北国花犹早。把盏忆当年，相思任点点。

朱贤成(湖北·荆州)

垄上早行

菜花招手麦苗迎，一片金黄一片青。
露闪晶莹香送爽，放眸垄上踏歌行。

垄上归来

争看庄稼赏芳痕，垄上归来得句新。
春赠一身乡土味，真情无处不温馨。

吴 江(四川·遂宁)

归 乡

百折归乡路，千回萦梦村。
当风理霜发，随犬入柴门。
酒晕家常话，灯花岁月痕。
安眠无雨夜，仄室别乾坤。

丙申中秋有寄

天涯有离合，共盼月团圆。
照路冰轮转，临窗玉桂寒。
澄澄因雨洗，朗朗破云宽。
今夜圆光下，明年何处看？

蒋宝山(上海)

西江月·春日因画感怀

勾兑云烟几许，挥毫意境三分。
丹青涂就雨黄昏，多像江南小镇。
长叹飘蓬似梦，难教落叶归根。
一支画笔不由人，总带乡思烙印。

樊钰清(浙江·桐乡)

相思

浅草萋萋柳岸风，语溪一路见船篷。
塘边多少画桥景，化作相思在梦中。

浣溪沙·生日贺词

酒里情多寿味醇，笙歌一曲闹阳春。
举杯喝彩对诗文。疏柳媚晴传友谊，
东风吹水颂君恩，年年今日贺词新。

季传富(湖南·岳阳)

华容望夫山

此处今来思万重，一山故事卷凄风。
痴情最是孟姜女，苦立千年凝望中。

梅

一树梅花昨夜开，鸟音断续坠阳台。
寒风怜我双眉锁，故遣馨香入室来。

采风

自私烟柳锁春光，联袂吟翁逛画廊。
谁与青蛙先有约？一同唱绿小荷塘。

郭丽洁(吉林·公主岭)

七律几首(录二)

几叠红笺入眼温，浮光与刻卅年痕。
映窗风物看渐老，隔巷童谣听不真。
生计无涯多乏味，余生有笔未沉沦。
中宵拟得殷勤意，置酒相期孟氏邻。



只道闲愁不可医，云深往事压眉低。
折条柳未抽新绿，过案风偏翻旧题。
恨我生涯多错落，得君寒暖又疏离。
心何能似南山月，自往自还无所期。

幽居几首(录二)

池边秋露浅，风过淡无痕。
线柳摇蝉梦，团荷锁月魂。
诗因盈缺续，身为稻粱繁。
纵惜清凉境，不曾溯本源。

双燕偎巢久，一庭风影微。
尘香凉绕指，暝色淡沾衣。
待月人如旧，簪花情已非。
回来题素帕，小字扣心扉。

李识经(广西·南宁)

饮题

客约青山外，舟依红树旁。
亭前多隐逸，望里渐苍茫。
煮菊论今古，听涛传抑扬。
流岚辞曲水，翻作白云裳。

陈飞(江西·九江)

咏梅

借雪三分白，迎春一缕香。
琼姿藏素韵，瘦骨傲冬霜。
何与李桃绽，只随松竹昂。

情深幽梦里，恬淡惹诗章。

临江仙·秋韵

落叶飘来寒意，疏枝敲打芸窗。
无边霞色染秋凉。绮云千百朵，鸿雁
两三行。松竹结缘清雅，宽怀看
破沧桑。诗笺痕淡韵悠长。秋来心未
老，花谢梦犹芳。

张耀恒(辽宁·建昌)

腊月二十三日

一声鞭炮响，朗照落窗前。
叮嘱留微信，相思在小年。
互逢长问暖，不让再生寒。
但愿凌河好，融春风雪边。

雾凇

晴空独领亦沾霞，心属辽西千万家。
不负晶莹冰世界，凌河一日看霜花。

游文畅(浙江·安吉)

赞鄣吴竹酒

醇醪自带笋清香，久在丛林竹里藏。
不尽霜风凝玉质，钟灵山水酿琼浆。
含英甘露心先醉，得月楼台夜未央。
每对高朋难短缺，诗情足可共浮觞。

咏昭君

大漠荒烟三百里，孤坟落日二千年。

黄尘眼底终飘忽，清泪当初只偶然。
但把芳魂书汉史，更留遗响在胡边。
琵琶一曲何萧瑟？亘古堪称盖世篇。

赵日新(黑龙江·萝北)

2016年末释怀

雪覆星辉满，打包天籁音。
壮怀叠晓月，秃笔走红尘。
谢尔清风冷，驱它夜色深。
轻装又新路，只为梦中春。

鲁 茜(甘肃·康县)

鹧鸪天·新年试笔用周燕婷老师韵

谁种相思这种缘，心中绮梦寄云
天。真情恰似熏风暖，现实还如冰块
寒。园圃内，柳塘边。相依携手
总无关。春花秋月几多恨，写入云笺
又一年。

吴 芳(河北·保定)

蝶恋花·开谢海棠梅雨起

开谢海棠梅雨起。盛暑清阴，柳
翠蛙鸣里。把盏凭栏休独倚。鸳鸯常
使添愁意。去岁与君挥别泪。
海角天涯，梦绕相思地。为卜归期频
掷币。痴痴消得人憔悴。



蝶恋花·一树梨花风曳雪

一树梨花风曳雪。影照婆娑，浮动黄昏月。鸿雁归来君信绝。愁肠辗转千千结。长日嗔卿心似铁。望断天涯，泪眼空悲切。怕忆西楼同剪烛。孤灯只影看明灭。

惜分飞·白梅

一树梅花馨圣洁，玉骨冰肌映月。赴约东风切，幽怀朗朗清如雪。

春雨来时挥手别，化作双飞玉蝶。香散相思灭，素心入梦千千叠。

张开瑰(甘肃·康县)

野 望

满目萧条草木黄，群峦远眺入苍茫。
一冬未见雪飞韵，三九堪吟梅绽香。
瑟瑟寒风敲瘦骨，蒙蒙暮霭掩斜阳。
无端冒出还家梦，牵着新愁望故乡。

初 雪

婷婷袅袅落山家，曼妙轻盈是雪花。
闪耀吟笺飞绮梦，随诗舞动到天涯。

刘 峰(河北·吴桥)

乡 情

童年何处去？遗落在村庄。
井口辘轳瘦，田头麦子黄。
喊归听老父，煮饭问亲娘。

更有牵情者，邻家叫小芳。

咏 雪

青春忽至自天涯，催绽庭中桃花杏。
不见蝶蜂来绕树，更多娇艳在邻家？

章长斌(湖南·涟源)

翁妪扯笋

翁妪丛中觅玉芽，晨风漫步自披霞。
归来含笑腰兜满，袖染清香鬓挂花。

登 高

相依翁妪步云间，珍宇茫茫不见山。
我欲银河锦鳞钓，危峰端坐摆长竿。

丁垂赋(贵州·纳雍)

蝶恋花·探春(三首录二)

慢步乡村郊外路，竹叶青青，垂柳摇金缕。枝上鸟儿能解语，相迎为我歌还舞。借问春归何处住？遥见园中，白紫红黄聚。不许芬芳飘散去，收来好润新诗句。

不信相逢都是梦，满面霞光，风里芳菲送。寻遍湖滨谁与共？和春有约春应懂。好景全由春掌控，盼望花开，又怕春寒重。莫改初心休再冻，时时愿把春阳拥。

项筱芬(浙江·杭州)

夕阳情

风雨人生诗竹瘦，韶华易老夕阳迎。
心无杂念精神富，抛却云烟都是情。

范小巧(浙江·杭州)

回乡偶书

几缕青烟几个家，屋檐残破断墙斜。
昔时繁景今安在？一路绿苔生白花。

王淑梅(黑龙江·宝泉岭)

鹧鸪天·岁暮抒感

莫许流光一瞬空，谁人识得晚霞红。
有涯世路多磨砺，无霭清心不附庸。
观万壑，眺千峰，几回跌宕自从容。
今生说好同精进，归棹悠然两放翁。

临江仙

纸上离愁心上雪，凭谁唤醒初阳。
云低风硬指尖凉。乱花迷望眼，寒藻不生香。
梦里春秋都记满，沉浮皆做平常。
此心无意细思量。百年一转眼，莫负好时光。

陈永庆(内蒙古·呼伦贝尔)

大寒

霾重天难醒，更深梦易残。
初心极月盛，彻骨小楼寒。
平仄逢遥夜，得失弃旧年。
山河成水墨，闭户入江南。

旧游

醉游梦似真，花落未及春。
双棹人摇影，孤舟月摄魂。
才绝多病日，情老少年心。
残夜无闲事，卧听滴漏音。

张英(吉林·永吉)

春景如诗

河翻素浪燕飞还，载梦东风度万关。
蜂蝶岂知身入画，枝头争蕊不清闲。

夏

碧叶凝珠托粉腮，冰肌玉女下瑶台。
蜻蜓偏爱荷尖立，欲把芳香嗅出来。

罗贤慧(四川·遂宁)

春日

桃李春风豆麦香，芦芽满径柳丝长。
谁家新种早樱树，引得满庭蜂蝶忙。

元夕

无灯无月过元夕，笑语欢歌隔画屏。
料得高楼君独坐，两处相思一样情。

潘孙鹏(浙江·杭州)

乡村初秋

晨起凉风瑟，鸣蝉已遁身。
黄花初绽蕾，绿稻渐披金。
山雀枝头闹，溪鱼浅水沉。
金秋何处好，乡野最撩人。

刘 燕(内蒙古·通辽)

声声慢·寄语

凭栏望道，倚梦噙香，化蝶迷了芳春。竹影参差，听罢蟋蟀销魂。独念曾经青眼，抚我心、今系何人？可恨也、错过何必说，休怪风云。夜深斗杓斜挂，指银河，新月辨彻离分。数尽飞花有意，落水成尘。寻觅荒沟寄语，泪婆娑，一路氤氲。忽然觉、待挥笔，无处题门。

王亚华(山东·莱州)

临江仙·夹在书中的花瓣

昨日阴霾今又是，幽思点点难禁。闲翻小字忆春深。那年花正好，清曲绕云岑。别后不知人远近，书中一瓣如箴。流光荏苒老初心。拈香香已尽，耽梦梦何寻？

临江仙

庭角红梅花渐老，东君悄减冬

衣。轮回谁又敢迟疑？晴窗光正好，染梦到新枝。不为繁华心底驻，应怜春睡迟迟。更怜梨雪覆尘痴。蓬山别有路，烟渚漫相思。

乔术峰(安徽·芜湖)

西江月·残雪

点点斑斑瓦上，清清冷冷梨园。
一枝春色隔烟看，忽被风来吹散。
日出伊归太急，门开人觉微寒。
后身是水涓涓细，流到故人桥畔。

人月圆·寄秋

梧桐叶上生寒露，蛩语碎如筝。
山南山北，庭前庭后，满是秋声。
一朝雁冷，多年身倦，归梦难成。
菊花佐酒，溪桥流月，更动人情。

于 方(北京)

临江仙·探春偶寄

悄展绿眉春尚浅，余寒乍拟清嘉。
游思漫惹旧枝桠。约灯听故事，摇影上窗纱。
见与东风相契久，红酥著意天涯。
蓬门和煮一壶茶。流光今好趁，两鬓乱簪花。

郑德希(浙江·杭州)

酷相思·惜春

廿四番风花几度？俟春日、从梅序。奈风雨、芳菲终忌妒。欲护也、人无措。欲舍也、魂无措。转眼蘼消春已暮。岁月迫、凭天贾。问青帝、春花谁作主？携梦住、芳无数。携梦去、思无数。

周清印(北京)

寻梅下江南词九章(录四)

临江仙·灵峰探梅

空谷苍云犹踞，板桥红雪疑飞。
山翁更指碧岑西。断无人迹觅，湿耳
鶗鴂啼。渐嗅香奇沁骨，乍惊鬟影沉溪。
为谁久候老筋肌？绿犹南宋萼，瘦是晚唐枝。

临江仙·西湖忆梅

亲桂友兰痴不愈，前身疑是花仙。
梅妻鹤子揖前贤。何须花解语，
相对自忘言。终是浓妆西子好，
花光水色双妍。湖心亭外夕阳船。白
横天际鹭，红碎水中天。

踏莎行·留下慕梅

嫩白先醒，嫣红正睡。浮生谁得
闲如是？暮投留下千年镇，慕梅且住
为佳耳。故我今吾，行行止止。
泊庵门对清溪水。坐看红萼几时开，
夕阳红到鸟篷尾。

金缕曲·曲水寻梅

又唤西溪渡。惜流年、者番春早，
彼番秋暮。料是补天顽石陨，银汉于斯倾注。
九曲碧、容吾一橹。竹外冷红临岸发，乍为谁梳掠期谁顾？波照影，艳如许。
雪泥鸿爪浮生路。忆江南、词心文脉，最留长住。
樊榭昉思高士骨，疑化梅花树树。莫触落、槛庵红雨。
嗅馥何须盈手赠？自笑拈即是心安处。舟不系，漾花浦。

黄心培(上海)

清平乐·赏梅(六首录二)

破冰何痛，韵入琴三弄。敢傲天寒加地冻，可是心中有梦？
无言耻附空谈，暗香传意谁谙？漫道孤芳寂寞，高怀本不趋炎！

霜封雪障，秀骨应无恙。纵对悬崖冰百丈，绛蕊从无沮丧。
寒摧不改贞坚，终凭淑气呈妍。谁解伤痕遍体，心中自有春天！

陆纪生(浙江·绍兴)

三奚赏梅

遍野满蓬梅，繁花压顶开。
枝头生绿叶，地上铺青苔。
壑谷轻风起，山沟沃土培。
三奚花似海，日落不思回。